



Politikkikkut toqqammaviusumik isumaqatigiissut

Inuit Ataqtigiit, Siumullu Kommune Qeqertalimmi Ikaarsaariarnermut ataatsimiititaliami. kiisalu 2018 aallarnerfigalugu Kommune Qeqertalimmi suleqatigiinnissamut, aammalu ataatsimiititaliat nutarternernanni ataatsimiititalianut tungassutillinnut nutartikkamik isumaqatigiissutaat:

Ataatsimiititaliaq Inua:	Ilaasortat 7.
Ataatsimiititaliaq Inoqarfiit:	Ilaasortat 5
Ataatsimiititaliaq Timi Tarnilu:	Ilaasortat 5.
Ataatsimiititaliaq Inuit:	Ilaasortat 5.

Borgmester, Ane Hansen, Inuit Ataqtigiinnit
1.Vice Borgmester, Otto Jeremiassen, Siumut
2.vice Borgmester, Hans Aronsen, Inuit Ataqtigiit

Qinikkat isumaqatigiissutigaaat innuttaasunik sullissinitsinni patajaassuseq, unneqqarissuseq minnerunngitsumillu tamat oqartussaaqataanerannik ingerlatsilluarnissaq tungavigineqassasut.

Inuit Ataqtigiit Siumullu isumaqatigiissutigaaat suliniutit anguniakkallu pingarnersiukkat ukua siulliullugit piviusunngortinniarneqassasut.

1. Illoqarfinni tamani innuttaasunik sullissinerup pitsaanerpaamik ingerlanneqarnissaa siunertaralugu allaffissornermi ingerlatsiviit aningaasanik namminneq aqutaqarlutik aaliangiisinaanerat nukittorsarneqassasoq, Inunnik Isumaginninnermi sullissiviit, Meeqqat Atuarfii, Meeqperiviit il.il. (kontrakt styring)
2. Nunaqarfinni Aqutsisut nammineersut 1 januar 2018 aallarnerfigalugu aningaasanik aqutaqarlutik namminneq aqutsilissasut.
3. Sumiiffimmi siunnersuisoqatigiit (Lokalråd) pilersinneqassasut kingusinnerpaamik 2019-imi.
4. Meeqqanik, inuusuttunik, utoqqarnik innarluutilinillu sullissineq eqqarsaatigalugu Innuttaasunillu sullissineq pitsangorsarniarlugu isumaginninnikkut malunnaatilimmik nukittorsaasoqassooq.
5. Kulturikkut naleqartitavut timersorneq, qimusserneq, nipilersorneq, erinarsorneq , isiginnartitsineq, atuakkiorneq, filmiliorneq, inuiattullu nutaaliortuarnerput pingartillugu ineriartortitsissuugut.



6. Utoqqarnut, innarluutilinnut, meeqqanullu siunnersuisoqatigiit pilersinneqassasut ersarissumik taakkununnga politikiliornissaq siunertaqaralugu.
7. Kommune inuutissarsiornermi suliffeqarfinnik namminersortunillu allanik annertusaaffigissallugu orniginartuunissaa siunertaralugu illoqarfiit nunaqarfiillu nutartikkamik innuttaasut suliffeqarfiillu namminersortut peqatigalugit pilersaarusiortifigineqassapput.
8. Kommunip pilersaarusiortnera sanartugassat, inuussutissarsiutinillu ineriartortitsineq ataqatigiimmata Namminersorlutik Oqartussaniit sanartugassat pillugit oqartussaaffik annertunerusoq aningaasanillu malitseqartoq kommunimut pilertornerusumik nuunneqarnissaa sulissutigissuarput.
9. Takornariaqarnikkut inuutissarsiutinillu allanik eqaannerusumik siuarsaanissaq siunertaralugu Naalakkersuisut qanimut suleqatigalugit Kangaatsiami, Qeqertarsuarmi, Qasigianguianilu suluusalimmik mittarfiliassat siuartinniarneqarnissaat piartumik sulissutigineqassooq.
10. Nukissiuuteqarnermi erngup, anorrip allallu atorlugit inerissaanissaat, inoqarfinilu pilersitsivigineqarsinaasuni pinngortitap tunniussinnaasasa sutigut qanorlu ineriartuutaasinnaanerisa sulissutiginnissaat.
11. Ataatsimiititaliaq **INUIT** suliassaqarfik annertuujusoq pillugu ukioq ataaseq qaangiutereerpat nalilersorneqassaaq.

Inuit Ataqtigiit

Gruppiat sinnerlugu siulittaasoq


Hans Aronsen

Siumut

Gruppiat sinnerlugu siulittaasoq


Kristian Broberg

Inuit ataqtigiinni ilaasortat tunuliaqutsiisut:

Ane Hansen
Hector L Sørensen
Kristian Jeremiassen

Niels Kristensen
Aqqa Samuelsen
Hans Aronsen

Peter Olsen
Thomas Petersen

Siumumi ilaasortat tunuliaqutsiisut:

Otto Jeremiassen
Jess Svane

Kristian Broberg
Nikkulaat Jeremiassen

Timooq Mølgard
Enok Sandgreen